

গণপ্রজাতন্ত্রী বাংলাদেশ সরকার  
শিল্প মন্ত্রণালয়  
প্রথম অধিশাখা  
৯১, মতিঝিল, বা/এ, ঢাকা।  
[www.moind.gov.bd](http://www.moind.gov.bd)

শিল্প মন্ত্রণালয়ের ২০২০-২০২১ অর্থবছরের জাতীয় শুদ্ধাচার কৌশল কর্ম-পরিকল্পনার নৈতিকতা কমিটির  
(অক্টোবর ২০২০ মাসের) সভার কার্যবিবরণী

সভাপতি : জনাব কে এম আলী আজম  
সচিব, শিল্প মন্ত্রণালয়  
তারিখ : ১৫/১০/২০২০  
সময় : দুপুর ১২.৩০ টা  
স্থান : জুম এ্যাপস এর মাধ্যমে

সভাপতি উপস্থিত সকলকে স্বাগত ও শুভেচ্ছা জানিয়ে সভার সূচনা করেন। গত ১০/০৯/২০২০ তারিখের সভার কার্যবিবরণীর উপর কোন সংশোধনী না থাকায় তা সর্বসম্মতিক্রমে দৃঢ় করা হয়। অতঃপর সভাপতি সভার আলোচ্যসূচি উপস্থাপনার জন্য শিল্প মন্ত্রণালয়ের শুদ্ধাচার ফোকাল পয়েন্ট জনাব মোহাম্মদ সালাউদ্দিন, মুখ্যসচিব-কে আহ্বান জানান। সভায় নিম্নবর্ণিত বিষয়ে আলোচনা ও সিদ্ধান্ত গৃহীত হয় :

ক্র. নং	আলোচনা	সিদ্ধান্ত	বাস্তবায়নে
১.	সভায় জানানো হয় যে, মন্ত্রিপরিষদ বিভাগ হতে গত ২৪ সেপ্টেম্বর ২০২০ তারিখের ০৪.০০.০০০০.৮২২.১৪.০২২.১৬.১৪১ নং স্মারকের মাধ্যমে জানিয়েছে যে, ২০২০-২১ অর্থ-বছরের মন্ত্রণালয়/বিভাগ/ অন্যান্য রাষ্ট্রীয় প্রতিষ্ঠান, আওতাধীন দপ্তর/সংস্থা এবং আঞ্চলিক/মাঠ পর্যায়ের কার্যালয়সমূহের জাতীয় শুদ্ধাচার কৌশল কর্ম-পরিকল্পনার কোন যৌক্তিক কারণে সংশোধনের প্রয়োজন হলে স্ব স্ব কার্যালয়ের নৈতিকতা কমিটির অনুমোদনক্রমে মন্ত্রিপরিষদ বিভাগ-কে অবহিত করে আগামী ৩১ ডিসেম্বর ২০২০ তারিখ পর্যন্ত সংশোধন করা যাবে। এ বিষয়টি ইতোমধ্যে শিল্প মন্ত্রণালয়ের আওতাধীন দপ্তর/সংস্থাকে অবহিত করা হয়েছে এবং উক্ত পত্রের নির্দেশমত প্রয়োজনীয় ব্যবস্থা গ্রহণের জন্য বলা হয়েছে। মন্ত্রিপরিষদ বিভাগের উক্ত পত্রের পরিপ্রেক্ষিতে মন্ত্রণালয়ের শুদ্ধাচার কৌশল কর্ম-পরিকল্পনায় অন্তর্ভুক্ত কোন কার্যক্রম লক্ষ্যমাত্রা অনুযায়ী বাস্তবায়নে সমস্যা থাকলে সেসব লক্ষ্যমাত্রা সংশোধনের বিষয়ে সভায় আলোচনা হয়। এ বিষয়ে সংশ্লিষ্ট বাস্তবায়ন কর্তৃপক্ষের নিকট হতে এ বিষয়ে যৌক্তিকতাসহ সংশোধনী প্রস্তাব গ্রহণপূর্বক তা নৈতিকতা কমিটির অনুমোদনক্রমে মন্ত্রিপরিষদ বিভাগ-কে অবহিত করার বিষয়েও সভায় আলোচনা হয়।	(ক) শিল্প মন্ত্রণালয়ের ২০২০-২১ অর্থবছরের শুদ্ধাচার কৌশল কর্ম-পরিকল্পনায় অন্তর্ভুক্ত কোন কার্যক্রম লক্ষ্যমাত্রা অনুযায়ী বাস্তবায়নে সমস্যা থাকলে সেসব লক্ষ্যমাত্রা সংশোধনের বিষয়ে যৌক্তিকতাসহ সংশোধনী প্রস্তাব আগামী ১০/১১/২০২০ তারিখের মধ্যে প্রথম অধিশাখায় আবশ্যিকভাবে প্রেরণ করতে হবে। এরপরে আর কোন সংশোধনী প্রস্তাব গ্রহণ করা হবে না এবং নির্ধারিত লক্ষ্যমাত্রা শতভাগ অর্জনে সচেষ্ট থাকতে হবে। (খ) কোন সংশোধন প্রস্তাব পাওয়া গেলে তা নৈতিকতা কমিটির অনুমোদনক্রমে মন্ত্রিপরিষদ বিভাগ-কে অবহিত করার ব্যবস্থা নিতে হবে।	সকল কর্মকর্তা, শিল্প মন্ত্রণালয়  শুদ্ধাচার ফোকাল পয়েন্ট, শিল্প মন্ত্রণালয়
২	শিল্প মন্ত্রণালয় ও এর আওতাধীন দপ্তর/সংস্থায় নিয়মিত ই-নথি/ই-মেইলের মাধ্যমে দাপ্তরিক কার্যক্রম সম্পাদনের বিষয়টি নিশ্চিত করার বিষয়ে সভায় আলোচনা হয়। দাপ্তরিক কার্যক্রমে নিয়মিত ই-নথি/ই-মেইল ব্যবহার	দাপ্তরিক কার্যক্রমে নিয়মিত ই-নথি/ই-মেইল ব্যবহার নিশ্চিত করার লক্ষ্যে মন্ত্রণালয়ের ক্ষেত্রে অনুবিভাগ প্রধানগণ এবং দপ্তর/সংস্থার ক্ষেত্রে দপ্তর/সংস্থা প্রধানগণ প্রয়োজনীয় উদ্যোগ গ্রহণ করবেন।	অতিরিক্ত সচিব (সকল), শিল্প মন্ত্রণালয় এবং আওতাধীন দপ্তর/ সংস্থা প্রধান (সকল)

ক্র. নং	আলোচনা	সিদ্ধান্ত	বাস্তবায়নে
	নিশ্চিত করার লক্ষ্যে মন্ত্রণালয়ের ক্ষেত্রে অনুবিভাগ প্রধানগণ এবং দপ্তর/সংস্থার ক্ষেত্রে দপ্তর/সংস্থা প্রধানগণ প্রয়োজনীয় উদ্যোগ গ্রহণ করতে পারেন মর্মেও সভায় আলোচনা হয়।		
৩	শিল্প মন্ত্রণালয় এবং আওতাধীন দপ্তর/সংস্থার সকল কর্মকর্তার ২০২০-২১ অর্থবছরের ব্যক্তিকেন্দ্রিক কর্মপরিকল্পনা (Individual Action Plan-IAP) যথাযথভাবে বাস্তবায়ন নিশ্চিত করার বিষয়ে সভায় আলোচনা হয়।	শিল্প মন্ত্রণালয় এবং আওতাধীন দপ্তর/সংস্থার সকল কর্মকর্তার ২০২০-২১ অর্থবছরের ব্যক্তিকেন্দ্রিক কর্মপরিকল্পনা (Individual Action Plan-IAP) যথাযথভাবে বাস্তবায়ন নিশ্চিত করার বিষয়ে মন্ত্রণালয়ের অনুবিভাগ প্রধানগণ এবং দপ্তর/সংস্থা প্রধানগণ প্রয়োজনীয় উদ্যোগ গ্রহণ করবেন।	অতিরিক্ত সচিব (সকল), শিল্প মন্ত্রণালয় এবং আওতাধীন দপ্তর/সংস্থা প্রধান (সকল)।
৪.	২০২০-২০২১ অর্থবছরের জাতীয় শুদ্ধাচার কর্মপরিকল্পনায় অন্তর্ভুক্ত কার্যক্রমসমূহ নির্ধারিত সময়ে বাস্তবায়ন সুনিশ্চিত করার জন্য সভাপতি নির্দেশনা প্রদান করেন।	২০২০-২০২১ অর্থবছরের জাতীয় শুদ্ধাচার কর্মপরিকল্পনায় অন্তর্ভুক্ত কার্যক্রমসমূহ নির্ধারিত সময়ে বাস্তবায়ন সুনিশ্চিত করতে হবে।	সকল কর্মকর্তা, শিল্প মন্ত্রণালয় এবং আওতাধীন দপ্তর/সংস্থা প্রধান (সকল)।

আর কোন আলোচ্যসূচি না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত

তারিখ : ০২/১১/২০২০ খ্রি.

(কে এম আলী আজম)

সচিব

ও

সভাপতি, নৈতিকতা কমিটি

শিল্প মন্ত্রণালয়